

論會議銀價事 來稿

辛丑和約。償金償銀。未有疇白了語。金銀差率。出入甚鉅。吾政府惕於銀價跌落之敝。欲美國爲我一謀。又英美日三國與吾新改商約。亦慮吾國法墮壞。害中互市。遂有要吾整理圓法之專條。適北美墨西哥國。夙以產銀聞於世者。亦以比年銀價跌落。虧損國力。欲得美國出而圖維。以持其險。乃共遣專員。游說歐洲。覘矚情實。更東來以察吾國意嚮。美國又以所屬斐律濱之財用。與亞洲太平洋岸。呼喻相通。更遣專使。鉤稽於斐。既卒事矣。乃來吾國。此斯事之概要也。蓋美爲資本充集工業新富之國。吾與墨又最承用銀之敝者。則彼之來吾國。固將以所得經驗。爲末後之取決也。觀其維持之議。所掄樞挈要者。則裁制銀鑛。使歲出有定數。又使諸國稱量其用。歲購銀塊若干。以定消場。而折中比年金銀差率。以定日後金銀價值之恆準。無使或騰或降。更於吾國有齊一泉幣之請。大率欲吾所鑄銀幣。輕重肉好。略等於墨西哥。斯事條理繁曲。數往知來。殆非潛研湛思者。不足以知其流變。竊意可斷言者。則以上諸議。如能事事實行。未嘗非補苴一時計也。

顧十九棋中葉以後。世界國幣。胥尙用金。其未用者。寥可指數。於美惟墨西哥。於亞惟吾國及斐立濱與英數屬地。其他歐美小邦。尙間用銀。以無關宇內大勢。本論可闕略不備舉。夫

社說

五十八

三月

行用金幣。首始於英。昔國古時亦嘗以金銀銅三品並用。諸國僕緣紛紛效法者何哉。誠以天下之物。惟貴可以馭賤。簡可以馭煩。以金為幣。定為本位。而施於易中。即以貴馭賤。以簡馭煩也。蓋萬形森列。種種色色。自其粗迹而觀之。固見有渙醇漓本。散樸為器之勢。自其精義而察之。則皆由煩難而之簡易。由歧分而趨統一也。泉幣之事。甯獨不然。輒近國家學者。發明國家元素。為至尊無對之物。金之於幣。亦猶是也。案用金固雖濟以銀銅。然准金竊以為吾國銀兼生銅雜用。無有紀極。敝在於無最高之主幣。以為本位。而其害之中於內者。則相受之率。不能確定。便於奸欺。詭詐。不能有推行盡利之效。其害之中於外者。則壓抑於尊貴之金。受其傾危。儼然如二三等國。遇一等國。此其害不待今日。償外債而始著也。特政府嚮者。於通國生事。未嘗深考。消耶長耶。任其所至。至災患剝牀。乃始覺其害也。

今日欲求補救。苟如美使所計畫。未始無一日裨助。然以如此。即可永賴。是則吾心滋惑。而有不。敢信者。存也。蓋裁制銀鑛所出者。固以人力。望其天產。而使諸國。歲率認購。若干。亦必不能密合於實際之所需。是以供者。要劫求者。殆無可以久行之理。而強定中數。以為金銀相。差之率。是皆以人力。故塞其竇。而悖於天然者也。世固有以人力。強為之者矣。大氏強為而有成者。必其人力。強盛。而有不。相敵者也。若乃五行百產。此所資待。與彼所供出者。皆有

自然蕃變之秩序。今欲以劫持之術。使必循循於吾意計中之軌道。其勢固已難矣。然此事固微曲而難知也。而用他事以爲證質。則如歐洲都會變遷。自古及今。由政治趨嚮。以流於商業趨嚮。雖有大力。莫能逆也。今美使之計畫。其所恃以持行者。不過得諸國許諾。立契微而止耳。其力甚微弱也。顧欲以抑物產之天然力。能有成者。亦僅矣。蓋制治之術。有宣導而無壅遏。智者觀於極微。隨時當可奔機逗節。無篤守之道也。故墨西哥銀產極盛。今鑒於衰敝。已有改行金幣之傾嚮。而英人又已遣專員。討究亞洲屬地情狀。亦將有改行金幣之事。然則後此受掎挈靡敝者。獨吾國耳。吾不敢謂循循美使。決策吾國。卽能長獲利賴也。

或以美使計畫。本爲兩利。蓋金銀差率。既有恆準。則互市之外商。不虞有不測之傾危。有無懋遷。其業自盛。國外資本。亦可因而流入。以濟吾興作之窮。以兩利故。則金銀價值。恆得保持。而無淪越。故吾今日。利不在驟行金幣也。夫爲此論。亦得其一而失其一矣。金銀差率。旣信且貞。事固兩利。以吾度之。殆難必得。借曰得之。利在用銀國者。終不如用金國。其故不難知也。蓋彼重矣。而我則輕。彼高矣。而我則下。此無論欲乘金貴銀賤之時。通流吾值微之物。產以巧取於一日者之無望也。卽令物產因值微而流通矣。以我值微者。以彼值巨。相易。是以我二而易彼一也。國力消耗。固不細矣。矧互市者。一彼一此。吾因去者之值微。其喪失。旣

社說

六十

三月

如此矣。而彼來者。又令吾以價二購一。而有生事不贍之患。是兩害均中於吾也。長此不變。日演日甚。且使吾通國財力。偕銀陷落。沈淪隳劫。其勢阡危。殆無殊於日蹙百里也。然則承今之敝。建小康之術。其無當於宏遠者。昭昭然若黑白矣。吾為此論。其詞若紛紜糾射。然蔽以一言。則今日會議銀價補塞罅漏之不足恃。而為吾至計。當亟改行金幣也。

當丁酉戊戌之際。吾國亦嘗有議行金幣者矣。論者乃以金貴銀賤。則吾物產乘以消行。可為國富之補助。證於實際。乃得其反。此蓋不知互市之道。主於相劑泉幣之權。存於馭物而誤。以物產斥去銀泉。流來即可富國也。之吾國俗以講銀為富者古謬謂然則改行金幣。使易中之權。較於外者。無以重輕高下見。絀固當務也。而所以擴宏國力之原。則須致力於農工商。致力於農工商。又必去其淹隱。起其幽廢。其事為平治莽塗。而使便利五行百產。乃不陳腐於鄉。其他關合於此者。尤非可一二計數。非本論所未能詳盡。蓋天下之事。皆相因而後效。非審一端。執一曲所能為也。